



**Agencija za ravnopravnost spolova BiH Ministarstva za ljudska prava i izbjeglice Bosne i Hercegovine objavljuje:**

### **JAVNI POZIV**

za dostavljanje ponuda za konsultantske usluge

**analize sektora socijalne zaštite**

u projektu

„Jačanje kapaciteta institucija za rješavanje rodno zasnovanog nasilja u BiH“

**Naziv: Konsultant/ica za**

#### **O projektu**

Projekat „Jačanje kapaciteta institucija za rješavanje rodno zasnovanog nasilja u BiH“ provodi Agencija za ravnopravnost spolova BiH, Ministarstva za ljudska prava i izbjeglice uz podršku američkog naroda preko Američke agencije za međunarodni razvoj (USAID).

Cilj projekta je povećati kvalitet usluga i jednak pristup svih žrtava prevenciji i zaštiti od rodno zasnovanog nasilja u BiH. Provedba projekta je počela 1. juna 2017.godine a završetak projekta je planiran za kraj 2019.godine.

U svrhu postizanja gore navedenog cilja, predviđena je realizacija nekoliko specifičnih aktivnosti u sljedeća tri glavna područja djelovanja:

- 1. Usklađivanje regulatornog okvira i standarda za jednak pristup zaštiti i učinkovitijoj prevenciji rodno zasnovanog nasilja u BiH,*
- 2. Izgradnja kapaciteta za bolji kvalitet zaštite od i prevencije rodno zasnovanog nasilja*
- 3. Usaglašena metodologija i uspostavljeni mehanizmi za prikupljanje podataka, praćenje stanja i izvještavanje o rodno zasnovanom nasilju.*

#### **Opis zadatka**

U cilju izgradnje kapaciteta za bolji kvalitet zaštite od i prevencije rodno zasnovanog nasilja, Agencija za ravnopravnost spolova BiH Ministarstva za ljudska prava i izbjeglice BiH raspisuje poziv za angažiranje konsultanta/ice za izradu analize sektora socijalne zaštite sa fokusom na zaštitu i pomoć žrtvama rodno zasnovanog i obiteljskog nasilja.

Pod nadzorom voditelja/ice tima, od konsultanta/ice se očekuje sljedeće:

- Izrada plana rada usaglašenog sa Agencijom za ravnopravnost spolova BiH Ministarstva za ljudska prava i izbjeglice BiH
- Komparativna analiza najboljih praksi u Bosni i Hercegovini u pružanju usluga socijalne zaštite za žrtve rodno zasnovanog nasilja

- Pravna, institucionalna i organizaciona analiza sektora socijalne zaštite u Bosni i Hercegovini za zaštitu i pružanje usluga socijalne zaštite žrtvama rodno zasnovanog nasilja
- Izrada plana prioriteta harmonizacije
- Sastanci sa relevantnim sektorskim grupama, institucijama i pojedincima radi izrade preporuka i prijedloga izmjena u cilju harmonizacije sa Istanbulskom konvencijom
- Učešće u radu ekspertne grupe
- Izrada finalnog izvještaja sa opažanjima, zaključcima i preporukama za daljnje djelovanje

## **Uvjeti angažmana**

Konsultant/ica će biti angažiran/a na osnovu ugovora o djelu. Sjedište konsultanta/ice je Agencija za ravnopravnost spolova BiH Ministarstva za ljudska prava i izbjeglice BiH u Sarajevu. Angažman predviđa putovanja unutar Bosne i Hercegovine radi održavanja sastanaka sa relevantnim grupama, institucijama i pojedincima. Na ovaj javni poziv se mogu prijaviti konsultanti/ice iz Bosne i Hercegovine i zemalja okruženja. Obračun naknade za pružene usluge će se vršiti na osnovu broja dana angažmana. Okvirni period angažmana je 25 ekspert-dana u periodu od tri mjeseca.

## **Kvalifikacije konsultanta/ice**

Kvalifikacione:

- Univerzitetska diploma (fakulteti društvenog smjera)
- Najmanje 5 godina radnog iskustva
- Najmanje 2 relevantnog istraživačkog i analitičkog iskustva
- Aktivno znanje jednog od službenih jezika u Bosni i Hercegovini

Poželjne:

- Poznavanje pitanja vezanih za ravnopravnost spolova i Istanbulsku konvenciju
- Iskustvo u organizaciji i vođenju sastanaka
- Poznavanje sektora socijalne zaštite u BiH
- Izražene komunikacijske i analitičke vještine
- Spremnost na timski rad i saradnju sa svim akterima
- Aktivno znanje engleskog jezika
- Vozačka dozvola „B“ kategorije

## **Način apliciranja**

Ako ispunjavate gore navedene uvjete potrebno je da svoju ponudu dostavite na sljedeće adresu:

**Ministarstvo za ljudska prava i izbjeglice BiH**  
**Agencija za ravnopravnost spolova BiH**  
**Kulovića 4,**  
**71000 Sarajevo**

ili putem elektronske pošte na adresu **protokol.ARSBiH@mhrr.gov.ba** sa naznakom „za javni poziv analiza usluga socijalne zaštite za žrtve rodno zasnovanog nasilja“.

Ponuda mora da sadrži sljedeće: kratko prateće pismo (do 1000 riječi), biografiju kandidata/kinje i prijedlog plana rada u kojemu treba biti naznačena metodologiju rada, aktivnosti, očekivani rezultati i vrijeme potrebno za svaku od aktivnosti.

## **Rok za predaju ponude**

Rok za predaju ponude je 10 dana od dana objavljivanja u sredstvima informisanja.